



Broj: JN1/03-50-5-44/21
Sarajevo, 10.02.2022. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 70. st. (1), (4) i (6) Zakona o javnim nabavkama («Službeni glasnik BiH», broj 39/14), na preporuku Komisije za javne nabavke (u daljem tekstu: Komisija) broj: JN1/03-50-5-44/21 od 09.02.2022. godine, direktor Centra za uklanjanje mina u Bosni i Hercegovini- BHMAC (u daljem tekstu: Ugovorni organ), donosi:

ODLUKU
o poništenju postupka javne nabavke usluge internet provajding
za lot 6-lokacija Bihać

Član 1.
(Predmet odluke)

Prihvata se preporuka Komisije broj: JN1/03-50-5-44/21 od 09.02.2022. godine i poništava postupak javne nabavke za **Lot 6-** lokacija Bihać s obzirom da u određenom krajnjem roku nije dostavljena nijedna ponuda.

Član 2.
(Objava odluke)

Ova Odluka objavit će se na web-stranici BHMAC-a, www.bhmac.org, shodno članu 70. stav (6) Zakona o javnim nabavkama.

Član 3.
(Stupanje na snagu)

Ova odluka stupa na snagu danom donošenja.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke broj: JN1/03-50-5-44/21 od 15.09.2021. godine.

Obavještenje o nabavci je objavljeno na Portalu javnih nabavki broj: 1407-1-2-30-3-22/21 od 04.11.2021. godine.

Rješenjem broj JN1/03-50-5-44/21 od 11.11.2021. godine imenovana je Komisija za nabavku usluge –internet provajding za potrebe informacionog sistema Centra za uklanjanje mina koja je provela predmetni postupak. Predmet nabavke je podijeljen na 9 lotova i to: Sarajevo, Sarajevo 1, Mostar, Tuzla, Travnik, Bihać, Banja Luka, Pale i Brčko. Predviđeno je zaključivanje okvirnog sporazuma za svaki lot posebno u trajanju od 24 mjeseca.

Krajnji rok za dostavljanje ponuda je bio 24.11.2021. godine u 11:00 sati, a javno otvaranje ponuda je izvršeno istog dana u prostorijama Centra za uklanjanje mina u BiH, sa početkom u 11:30 sati što je konstatovano Zapisnikom sa otvaranja ponuda broj: JN1/03-50-5-44/21 od

24.11.2021. godine, a u istom je utvrđeno da za Lot 6-lokacija Bihać dostavljena jedn aponuda i to ponuda ponuđača Dastosemtel doo u iznosu od 1.879,20 KM bez PDV-a.

Na sastanku komisije koji je održan dana 31.12.2021. godine i 09.02.2022. godine komisija je: „pregledala dokumente koje je u skladu sa članom 45 dostavila kompanija Zona Dasto semtel i ustanovila da je dokument broj 4 (Uvjerenje poreske uprave) broj 06/1.05/0704-455.2.1-58931/2021 od 06.08.2021 godine starije od zakonski predviđenog roka (tri mjeseca) i zauzela stav da je potrebno da se pristupi procedure pozivanja sljedećeg dobavljača sa najnižom cijenom. i smatra se da nije ispunio svoju zakonom propisanu obavezu.“

Imajući u vidu navedeno, Komisija daje preporuku broj: JN1/03-50-5-44/21 od 09.02.2022. godine direktoru da za Lot 6-lokacija Bihać donese odluku o poništenju ugovora za navedeni lot.

Cijeneći navedeno činjenično stanje, komisija za provođenje predmetnog postupka javne nabavke je konstatovala da postoje uslovi za poništavanje postupka javne nabavke u skladu sa članom 69. stav 1. tačka b) Zakona o javnim o nabavkama.

Komisija za javnu nabavku je direktoru dostavila Izvještaj o ocjeni ponuda broj: JN1/03-50-5-44/21 od 10.02.2022. godine s preporukom o poništenju postupka nabavke za Lot 6- lokacija Bihać.

Direktor u provedenom postupku ocjene ponuda nije našao nepravilnosti ni propuste u radu komisije, te je odluka o poništenju donesena u skladu sa Zakonom o javnim nabavkama i podzakonskim aktima.

Shodno navedenom, a u skladu sa članom 69. stav 2. tačka a) Zakona, odlučeno je kao u članu 1. ove Odluke.

POUKA O PRAVNOM LIJEKU:

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi u dovoljnom broju primjeraka, a koji ne može biti manji od tri.

